

Kaa' ngooch weechan wanttaka?

Kaa' ngooch weechan aniy erkam we' araman yot-antan. Anan nintan kaa' a' man a' yaak weechan.

Pam a' wanch weechowan anangan puk manyiy a' wanchinth a' wuut a' wanch iimpanang anangan kempnan weechan puth yaaka a' ngangk anangan.

A' kaa' ngooch vaccine'ang ma' aathan kemp min a' ngangk thayanam pi'ow. An puth nintan ke' ke'ngookkaman weechow a' nintan puth ke' iyin hospital-akan. In kaa' ngoochman vaccine uwan kep thonthonan puth kemp minam pi'an nungkaraman a' yotaman.

Inan kep 2026an, kaa' ngoochakan vaccine a' queensland inan aniya yimanaman uwayan ililangan 6 monthaman a' puk pi'an akaman. Kaa ngoochkan vaccine an thamp puk manyiyak inplan kucham aman kepa a' 17aman kep puth keengk keengk nglan 18an kep wunow.

Kemp wiywiyam

Nint kemp wiywiyam kengkengk anpalana ngeenwiy antang um wipan.

Kemp wiywiyam aniya:



Kemp karkan pey



Kaanch weechan



Man poch



Kemp way



Man nungk e'a



Kuchek wiywiyam man oyngk a' thip wayang wantan puk manyiy yotan.



Kuchek weechan



Kuchek wiywiyam a' ngangk wiywiyam.


Wanttakan yaarkaman

Kaa' a' ngoochan yaarkman puth pam a' wanchan thawantan nungkan a' kaa' achiy'an thawantan puth aniya thaa' a' kaa'an ke' am ngathatan ma' punthang a' lat michangan. Anan puth yimanangan yaarkamow aak wayathan maman ngeenwiyan thantangan thaa' a' kaa' a' mee'angan.

Ma'aathanak yipmam ke' yaarkamow kaa' ngoochan



Kaa' ngoochaman kep thonthon uwan.



Puypuy thechathan nungkaram pam a' wanchantam nunk a' achiyan thawantan.



Ma' nungkaram pungan soap'ang a' ngakang. A' ngeenang maman ma'an alcohol based soap'ang.



Aak pach anangan ngook e'athanak alangan pachathan. Anpalana ngulan e'athana.



Aawuchangam nyiinana puth weechan aniya.



Ke' yaarkthan yotyotan ma'angan maman thaa' a' kaa'an.



Thaa' a' kaa'an kangan lat michang a' ma' yuungkang puth nunk a' achiyan thawan.



Kaa' ngook ngoochana yipmam wiyan minminak pi'ow.

Oparakan

Puth nintan kaa' ngoochan uwan chilchil kemp wiywiyaman umpan yipmam yotyotaman minam pi'amp.

- Aakangam nyiinan.
- Ngak pi'anam mungkan.
- Nint opar nungkaram chilchilmungkan yipmam ma' aathow.

Aak wantingan kaa' ngoocham yimanaman uwan

Nintan yimanaman uwan noyan nungkaramantana a' community health clinicam a' pharmacy a' Ngep ngamp a' Pikotangam health service. Nintang ke' aman pi'in Medicare card'an ngeenan uwan yimanaman vaccinean ingan Queensland'angan wunanamp.

Wik yot yalmathanak?

Wik yotan yalmathan [Vaccination Matters'ak](#).

Nint GP Noyan nungkaramak thawan a' pharmacist a' Ngep ngamp Health Practitioner puth engkan yipmam yimanamak flu vaccine'ak a' thawan **13 HEALTH** a' **13 43 25 84** yap alantan.

Nintan engkan interpreter'ak ana yimanamana.

*Nintanang wik uwan
puypalan vaccine
yimanamakan a' wenkan
wik nungkaramang
'flu facts qld' ingan a'
inan thathan QR code'an.*



flu facts qld

**yipam kon'aathayan
putham**